



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinqve Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

S. Martinus Episcopus, Sueuorum in Hispania, ab Ariana peste, ad vnitatem fidei reductor. c. LXXX.

urn:nbn:de:hbz:466:1-38397

Fertur, & illius esse deuotissimus, & piissimus ille Hymnus toties in laudem Diuæ Virginis, cuius erat deuotissimus, repetitus,

*Aue Maris stella,
Dei Mater alma,
Atque semper virgo,
Felix Cæli porta, &c.*

Nec ab hac sententia dissentit R. P. D. Franciscus Costerus Societatis Iesv Theologus, qui in meditationibus quas in hunc hymnū composuit, sic in principio ait: *Hoc carmen incerti quidem auctoris est; refert tamen dulcedinem mellisui Bernardi, cui à nonnullis tribuitur.* Reliqua si quæ scripserit, ut uerisimile est, ad meam non peruenere notitiam.

S. MARTINVS EPISCOPVS:

Sueuorum in Hispania, ab Ariana peste, ad unitem fidei reductor.

Immortalis est, enim, memoria eius, quoniam & apud Deum nota est, & apud homines. Sap. 4.

Cap. LXXX.



NON minora beneficia in sacram Ecclesiam Sancti Martini Dumienfis Episcopi contulit diligentia, qui natione Pannonius, longinquis peregrinationibus Orientis prouincias lustrauit, & in studio diuinarum scripturarum magnos progressus habuit. Hic in Hispaniam delatus, in Gallicia ab imo monasterium Dumienfe extruxit, quo in Episcopatum postmodum transformato, ex Abbate, Dumienfis Episcopus factus est, deinde Bracarenfis, Dumienfi ecclesia cum Bracarenfi copulata, ei que contributa. Probitatis & sapientiæ magnum specimen dedit, nam eo tempore Sueuos hæcenus Gallicia imperantes (errat Bugianus qui hos ignorans, Sueuos populos qui sunt in Germania tunc conuersos putat) ab Ariana secta, cui impense fauerant, & Catholicos modis omnibus uexarant centum ferme annorum spatio, ex quanto tempore à vera Religione deficientes prauas opiniones susceperant, ad sanitatem reuocauit Theodemiro Rege, anno Domini

Domini 565. Cuius beneficii, in ecclesiam collati, causa, eius imago
 n i plius rami extremo, pontificis habitu, dextra Arma Gallicie re
 gia, tenentis, vas scilicet aureum, sex eiusdem metalli crucibus cir
 cumdatum, in cærulea planicie, conspicitur.

Eruditionis præterea argumento, editi ab eo libri sunt, multis
 elegantia luminibus, & prisca sapientia copiis exornati. Extat di
 sputatio de Ira, de Humilitate Christiana, de Moribus, & de Diffe
 rentia, quatuor virtutum Cardinalium. In his quoniam crebris
 sententiis, & styli acumine, ad Senecæ similitudinem proximè ac
 cedit, duo postremi libri, eius Philosophi nomine inter reliqua
 eius opera circumferuntur. Restituti autem nostro Martino ex
 cusi sunt Basileæ, sed quo anno adhuc ignoro.

Scriptis & quasdam Epistolas ad mores pertinentes, quæ utrum
 extent nescio. Item & formulam honestæ uitæ, quæ est in tomo 3,
 Bibliothecæ SS. Patrum. Non parvam deinde laudem promeruit ex
 collectione Sacrorum Canonum, inter eos enim qui eorum Colle
 ctiores fuerunt, tertius in ordine a Baronio ad pridie nonarum Apri
 lis numeratur. Eiusmodi vero liber reperitur tomo 2. Concilio
 rum circa finem, statim post Concilium Bracarense secundum. De
 functum tandem ob eximiam sanctitatis opinionem Gallicia, & Lu
 sitania pars in Diuorum numero habent, ad tertiumdecimum Ca
 lendas Aprilis festo dicato: *Ambrosius Moralium in chron. Hisp.*
ib. 11. c. 62. & alij in Martyrologio nostro citati.